

## 158. 梅核气

此方(指半夏厚朴汤)癸酉二月于四明刘姓男子亲试之,良验。唯不用人造之茯苓,改用有碱性泄痰之桔梗,为小异耳。

又接近世效方,有用半青半黄梅子,以食盐醃一昼夜,取出晒干,再醃再晒,以盐水干为度。每用青铜钱二枚夹二梅子,麻扎入瓷瓶封固,埋地下百日取出。每用梅子一枚含口中,半刻,咽中梗塞即消。当附存之。

曾记早年居乡时,见城隍庙道士宋左丞治咽喉痛胀闭塞,用青梅破开去核,中包明矾,烧灰研末,和皂角末少许吹入,吐出痰涎无算,咽喉即通。足见酸味之青梅,当别具挥发性,不当如旧说之收敛矣。

【按】《金匱》曰:“妇人咽中如有炙脔,半夏厚朴汤主之。半夏厚朴汤方:半夏一升,厚朴三两,茯苓五两,苏叶二两。”

曹颖甫曰:湿痰阻滞,咽中气机不利,如有物梗塞,吐之不出,咽之不下,仲师于无可形容之中,名之曰如有炙脔,即所谓梅核气。治令上膈气宽,湿浊下降。

## 159. 阴痒

妇人寒湿,下注阴中,或为白带,或为败血,久久化热,皆足生虫,虫多而窜动,则痒不可忍,以川椒百部洗之,往往不效,唯蛇床子散足以治之。昔年予治一妇人历节风,愈后,自言阴痒不可忍,自用明矾泡水洗之,洗时稍定,少顷痒如故。予以此方授之,二日而瘥。盖以蛇床之燥烈合铅粉之杀虫,湿去虫死,其痒乃止,但予实变法用之,使之煎汤坐盆中洗之,然后扑以铅粉,此可知仲师立方之旨,在燥湿杀虫,而不在祛寒矣。

【按】《金匱》曰:“妇人阴寒,温阴中坐药,蛇床子散主之。蛇床子散方:蛇床子,右一味,末之,以白粉少许,和令相得,如枣子大,绵裹内之,自然温。”此白粉,曹颖甫认为是铅粉,用法改为坐